

明  
詩  
紀  
事

明詩紀事

貴陽陳田輯

庚籤

陳昂 七首

昂字爾瞻一字雲仲莆田人世稱白雲先生有白雲

集七卷

鍾惺隱秀軒集白雲先生陳昂者莆田黃石街人也  
自隱於詩獨與馬公子用昭善先生詩所謂自天亡  
我友者卽其人也莆田中倭城且破先生領妻子奔  
豫章織草履爲日不給繼之以卜泛彭蠡憩匡廬山  
觀陶令之蹟皆有詩已入楚由江陵入蜀附僧舟儲  
藥以往至亦輒備於僧遂遍歷三峽劍門之勝登峨  
眉焉所儲僧輒死反自蜀寓江陵松滋公安巴陵諸  
處至金陵姚太守稍客之給居食久之姚太守亦死  
無所依賣卜秦淮或自榜片紙於扉爲人儲作詩文  
而閩人林古度與其兄懋者過其門見所榜紙突入

其室問知爲莆田人頗述其平生一扉之內席牀街  
竈敗紙退筆錯處其中檢其詩誦之是時古度雖年  
少頗曉其大意稱之每稱其一詩輒反而向壁流涕  
嗚咽至於失聲其後每過門輒袖餅餌食之輒喜復  
出其詩泣如前居數年竟窮以死其子倉皇出覓棺  
衣昇之中野古度兄弟急走索其集得先生手書五  
言今體一帙其自序畧云昂壯夫時尤嗜五言第家  
貧無多古書得王右丞卽誦讀右丞得杜工部卽誦  
讀工部間取其所中規中矩者時或一周旋之又時  
或一折旋之含筆廢毫研精殫思今觀其五言律七  
百首則先生所學所得實錄實際盡此數言矣論曰  
明自有詩而二三君子者自有其明詩何隘也畫地  
爲限不得入自搢紳士大夫詩的的有本末者非其  
所交遊品目不使得見於世者多矣况老賤晦辱之  
尤如陳昂者乎近有徐渭宋登春皆以窮而顯晦於  
詩詩皆遜昂然未有如昂之窮者也予嘗默思公織  
履賣卜傭爨傭書時胸中皆作何想其視世人紛紛  
籍籍過乎其前者眼中皆以爲何物求其意象所在  
而不得吾友張慎言曰自今入市門見賣菜傭皆宜  
物色之恐有如白雲先生其人者甚矣有激乎其言  
之也

馬之駿妙遠堂集有明以來詩之窮無如先生者凡

寒喪亂窘辱悲苦種種皆備有人之所未有而情性足以副之吾無以窺先生獨見其手鈔原本波盡枯硬如燥枝斷蚓而綴補篇彙無一字苟則先生之挫名憤世所自託於不可知之人者爲計工且遠也田按白雲集孤迥清峭稱其爲人袁中郎識徐青藤鍾伯敬推陳白雲可謂孤情絕照

### 步西林寺外

僧家論眞素爭羨永禪師翠谷一以憩清風耿所思菴荒虎迹出塔敗鶴巢危惆悵西林路藤蘿礙接籬

### 尋玉桂山避暑

燒春未易沾酷暑應思避散髮入幽林解衣挂空翠花間鳥語添山頂鐘聲墜消受冰谿風徐徐涼夢寐

### 與許處士同過故空公山院

昔與許玄度同心事法師一朝解蛻後滿地落花時苔路從

風掃松門爲雨歇不堪舊行者相送出山籬

甘露寺步秋月潭夜深歸峯頂半峯菴僧房

秋月潭將暝扶筇安適從偶隨歸嶺鳥遂遇隔谿鐘徑密強  
千轉崖高過百重上方更盡到漸漸白雲封

夜泊

此地知何處扁舟繫小亭孤村低臥水野屋大於瓶卻少犁  
鋤藥尙餘鋒鋤腥白頭萬里客仰愧老人星

長干與二三小兒散步

小兒相聚樂喧共野禽喧采藻臨溪澗看碑到寺門尙寒三  
月景微霽六朝村帶有惟書物花陰買綠樽

步丁堰

不負生平癖山嘉景遂嘉澗行逢白石谿渡拾青霞犬吠三  
竿日鶯囀萬樹花此間如下隱先近賈樂家

吳鼎芳 十二首

鼎芳字凝父吳人有披襟倡和集

列朝詩集凝父為詩蕭閒簡遠有出塵之致與范東  
生刻意宗唐刊落凡近有披襟倡和集行世嘗與東  
生及予游若溪泛碧浪湖入夾山漾往返二十日風  
清月白苦吟清嘯僅得七言絕句一首其矜重自愛  
如此後薤菜從釋氏法為高僧以終疑父與葛震甫  
稱詩於兩洞庭皆能破除俗調自豎眉目震甫晚自  
信不為顛折入於鍾譚而疑父亭亭落落迥然塵埃  
之外數前自負才大以為入佛入魔無所不可竟不  
免墮修羅藕絲中疑父修聲聞辟支具雖復根器小  
劣後五百年終不落野狐外道也  
田按疑父詩刻露清新明詩之晚秀者

柳浪溪

山青秋雨後人坐秋風裏平沙下鷺鷥款款動蘆葦夜半明  
月光漁舟弄空水

靈源寺夜期朱雲從不至

美人雲壑期禪宮夜無閉林光忽如拭碧月生雨霽空色映  
潭心天香出巖際山童汲澗響野鶴時一唳幽意寄晨鐘遙  
遙自相遞

泊北固山下

夕陽江色遠艤棹潮初退獨客吟清秋沙鷗冷相對水氣上  
城根風聲隱巖背漁舟載煙火撐入菱菱內

開戶

開戶見清旭茲晨欣偃息前山夜來雨蒼翠猶滴漉松際待

歸雲花邊跂幽石時有會心處嘯鳥破孤寂

虎山菴答蔣十

偶坐已夕照徘徊夜復深西岑見新月墮露聞松林覺有幽  
人來隔窗動微吟

歸湖上

西風吹簫笠無恙舊江天白鳥飛破水青山移近船晚晴楓  
葉外秋冷荻花邊泊處堪遙指柴門生野煙

寄趙凡夫

十里寒山路香風正采茶偶隨樵客去一到隱君家細語生  
清月閒心託片霞別來湖水闊秋色上蘋花

向夕

日落荒塍外天清古渡頭丹楓飛一葉秋色在漁舟

月夜山中

山空春不知雪霽夜猶冷月上寺門開一犬吠松影

西湖竹枝詞

家家水葬綠楊隄寒食寒煙奈鳥嗚白骨淚淘誰是主年年  
花落段橋西

弔蘇小小

塵消豔粉問遺碑松柏西陵起暮思留得蓮衣秋水上半陵  
寒影弔鷓鴣

送景周王孫還豫章

採菱歌斷雁初聞一幅離帆趁夕曛前路贈君秋色好大江

煙月小孤雲

葛一龍十一首

一龍字震甫吳人國子生入貲除雲南布政司理問

有尺木齋修竹編筑語等集

列朝詩集震甫入貲爲郎久次選人困於無資地吳  
橋范質公典選識其名異而問之曰得非吳下詩人  
葛震甫人呼爲葛鞞者耶乃得就選除雲南布政司  
理問正嘉之際洞庭蔡九遠爲清綺之詞頗自異於  
文祝諸賢以爲獨絕震甫聞而說之刊落翦刻欲追  
配於百年之上已而年漸長筆漸放楚人譚友夏之  
也流相與尊奉之浸淫徵逐時時降爲楚詞可爲一嘔

田按震甫矜奇尙不至如九遠之誕詩如斷港絕潢  
時逢佳境

送范東生之滇南

相念亦已苦卻於離處逢江聲撼獨往客路趣殘冬天盡山

忽起瘴開雲復重  
館人蠻語接計日給新春

喜聖僕至

爲約每無憑  
今宵喜得朋  
片雲波上宅  
殘雨夢中燈  
春冷花如病  
齋清客當僧  
看山不待霽  
把臂入煙層

秋陰

西爽忽自晦  
不知朝與昏  
井上半殘葉  
湖中無遠村  
桔槔幾日罷  
農牧相過存  
雲淡一如水  
野風吹到門

秋晚石湖作

豁然十數里  
一帆生雨西  
蘋花如欲雨  
日暮不堪攜  
漁戶徧新郭  
僧田帶越溪  
依依爲別處  
橋畔柳陰低

舟泊處憶季昌穉孫同覺公凝父

野泊原無定依稀識舊會店開煙市柳船纜月溪藤細雨生  
春漲殘尊了夜燈往時同泛客誰似一瓢僧

謝劉師蕃過訪

有客懽呼入山童識舊知相逢還自憶爲別幾經時露白酒  
香早橘黃書到遲僑居隔林巷一過一如期

懷王永啟先生

城坳萬綠隱樓紅滑滑鶯聲細雨中養瘵儘堪銷暇日歸心  
不待起秋風茶香東道須名衲山水西冷得寓公過嶺梅花  
開一徧喜無他訊累書空

雨中九日賦得徧插茱萸少一人

蕭蕭颯颯動秋菰風雨登臨事有無佳節又來催綠酒故人

相間隔黃爐氣昏小閣僧鐘冷影斷江門客雁孤滿著茱萸  
不堪抱只看霜色上頭顱

宿吳門

市聲喧盡響風湍篝火青青照夜寒歸到江城猶是客兩山  
殘雪夢中看

舟夜憶梅

白日山中三百樹一樹一杯曾遍看今夜孤舟練川兩瓦瓶  
篝火折枝寒

立春前一日懷山中

四日新年一日春新春還是舊年人山中有屋何常住逢著  
梅花便結鄰

范洵

八首

洵字東生烏程人有范東生集四卷

露書范東生詩如楊柳當風嫋嫋有態  
列朝詩集東生徒居吳門壘池種竹  
唐人之詩詠其清詞麗句苦吟精思  
洞庭吳凝父爲同調務盡刊甘醴肥  
詞視餘子茂如也輒全唐詩千餘卷  
宵夕略血以卒年四十有四疑父手  
序日方東生苦吟時收視返聽馳情  
緣今不拘律不適偶一字不安寸心  
至純粹若繡錦未粗不異恆絲及綵  
飾文章炫然然後知爲神於法者也  
靜志居詩話東生詩才嫺雅如靈犀  
方之孟揚允兆諸君覺尤騰拔  
田按東生詩琢句練字無浮音無佻  
袁鍾流派均無所染

訪趙凡夫廬舍

無路覓君去亂峯雲若屯嵌空巢樹杪鑿石沼山根古帖從

兒搗新詩與姊論開門臨拱木蒼翠自朝昏

過武陵懷龍觀察

去指黔鄉近回瞻楚甸遙郡門臨白浪驛路疊青霄積雨寒  
初霽長煙溼未消征鞍停不可無賴是今朝

望茅山殘雪

華陽望不極縷縷晴煙生斜日半山雪照人巾烏清漸融仍  
合沓近晦逾空明強載筇輿去搖搖人外情

贈楊孝父

清時有隱者自汲還自耘翳然茅屋上一片堯時雲

滇中詞三首

秀海海邊葭蒹秋滇池池上雲悠悠人心恰似此中水一道

南流一北流

鴛鴦浦綠水如苔鏡裏人家向背開五月櫻僮劍雲去三冬  
映女擔花來

迤西之西天一涯四時長有三春花青帘颭處客沽酒五歲  
女郎能數肥

西家

蛾眉不掃鬢雲斜含怨含情未破瓜背倚曲闌花一樹春光  
多少屬西家

李能茂 十首

能茂字允達東陽人知府學道子有卑邇亭稿武林  
倡和集友疴山房集

弁州山人續稿允蓬詩以才氣勝五七言古尤更奇  
絕若五言得意時翩翩建安矣  
吳之器婆能及詩七言如千花南浦吳娃醉獨樹  
西陵越客過平林夜火漁舟出極浦秋聲雁陣移五  
言如駿骨時名重羊腸世路粗雨勢於江動秋陰大  
蒼長路通秦望北山斷禹陵西皆雄健有作者聲  
田拔允遠服膺濟南弁州專講氣格而才力自健有  
拔劍悲歌之氣年三十餘而卒可惜也

再寄胡元瑞

落日下空山狐兔交行迹陰風動地來荒草蒙昏色中原幾  
萬里莽蒼不可識汗血紫騮矯捷過飛翼遭時雨多艱蹶  
闕原野側天雞三四嘯轉桑破微碧長往豈復羈時來難再  
息朝發東海墟暮憩嵐嶺澤

貽斯惟武

蘭蕙揚芬芳託根污泥塗生質本自潔內貞外不瀉寄心在

浩蕩豈累強支吾芥草蔓華階雨露滋榮敷貴賤非所較徒  
以信區區物理率互虧怨尤以爲愚造化豈異培久近意固  
殊淹沒百歲身千載常斯須

俠客篇贈萬生

俠骨峻嶒雙眼碧結束翩翩自願惜生好橫行不可當片語  
風波坐相索酒間絲竹調未終擁妓忽過章臺中豪華厭據  
七貴席揮霍不數五陵雄吳鈞灼爍霜紋錯披髮悲歌意氣  
作鸞弓白日獵燕山走馬清秋戲宛洛回看世事但悠悠黃  
金如山不復留食魚偏輕彈缺士七首羞藉將軍頭路旁冠  
蓋紛若水往來結客聲名起常筵肝膽真一擲七尺報恩向  
誰死

養疴

數身成百折指口定三緘  
駿骨時名重羊腸世路艱  
病愁生白髮窮淚落青山  
別作生涯計茅廬傍佛巖

兩夜

朔雲猶浩浩苦雨竟漫漫  
急峽魚龍鬪平沙雁鷺團  
林聲先暮澀嵐氣雜秋寒  
憊骨兼沈病飛蓬久不冠

贈盧將軍洪秋

寶匣飛霜玉鹿盧雄心會復按邊圖  
趨朝曉露侵金甲入幕晴絲點繡弧  
萬里鯨波消郡國九關虎隊翼神都  
豈應好武將軍事爲奏饒歌出塞無

酬李彥宏見和覺明寺寒夜之作

南山亦有被裘翁  
點淡清秋句最工  
垂老名從高隱得  
和歌身在酒狂中  
逼除暮雪深齋外  
回首寒雲大澤通  
若道憐才誰解意  
可知憔悴更相同

從軍行

三首

繞陣旌旂聲似雷  
黃雲一騎射雕回  
古來枉費孫吳法  
別有將軍破虜才

材官都護盡橫戈  
天子修邊接劍過  
直北風塵衰草色  
一時金鼓下交河

玉關西去莽蒼開  
鐵甲雕弓陣陣排  
戰罷不知歸路遠  
霜天齊上李陵臺

吳兆

十首

兆宇非熊休甯人有金陵游闕豫章武林姑蘇東歸  
廣陵溪上南遊等稿

曹學佺石倉集非熊古詩學謝靈運沿及盧駱近體  
類岑嘉州字向尚贊余愛其未落韻時散吟如猿  
聲令人淒絕  
筆精非熊能詩而貧日甚游江湖十年落魄不能為  
歸計有詩云谷日鎮聲度嶺微嶺頭嵐氣散朝暉江  
山處處通鄉路只是遊人不得歸可謂深於貧者矣  
列朝詩集非熊少警敏喜為傳奇詞曲游於貧者推  
為渠帥萬歷中遊金陵留連曲中與新城鄭應尼作  
白練裙雜劇嘲馬湘蘭青樓人皆指目有樊川輕  
游之名已而自悔改弦為歌詩撫倣初唐作秦淮關  
草篇新安詩派戶祝太圍肥臆相尚不解何語臧  
晉叔昔能始見而繫筋遂流傳部下而能始於非熊  
尤相得借遊中諸山及武夷隱九華復還白熊  
其為人真自放好窮山林花鳥之致提身苦吟貴  
游雜坐竟日諷詠不知存人久之別能歸新安作  
東歸詩已而復出游訪故人於嶺南客死清會非熊  
詩評者謂其有二種早年穉華婉至情幹之以風調  
大要沈酣於大朝唐人而傳之以性情幹之以風調

工力並深與象兼會雖與能始同調爾刻鏤意新  
理愜能始似有間焉能始序其詩以爲古詩學靈運  
沿及盧駱近體學岑嘉州字句少實固宜其知之而  
未盡也新安閔景賢采輯明朝布衣詩推若上吳允  
兆爲中興布衣之冠以予論之親炙則孟揚遜聽則  
非熊庶無愧於此評要當與千古共定之耳  
蠶尾續文非熊五言其源出於謝宣城何水部意得  
處時居近之七言自秦淮關草篇而外頗無可采  
靜志居詩話非熊清而能麗綺而不靡最見賞於石  
倉其風調亦相儷  
田按非熊以秦淮關草篇得名萬歷末詩家長篇如  
徐典公王主行鄭翰卿半生行林初文峻眉篇徐推  
和帝京篇俱有盛名要不如非熊此篇爲最牧齋推  
程孟陽與非熊爲明一朝市衣之冠阮亭亦無異議  
康熙中汪洪度合二人詩刻之爲新安二布衣集余  
謂非熊尚非孟陽敵者謂二人爲明布衣之冠更當  
置孫太初謝茂秦輩於何地無怪乎敢後人之訾議  
也

春日留別柳陳甫諸社友

金陵風雅地新亭送別所飲餞樓已陳江湄舟尚阻雲樹含

遠思春山起別緒  
征人戀故歡  
舟子逐前侶  
雲黯層城深  
風轉孤帆舉  
草積白鷺洲  
花落梅根渚  
嘉月子  
眷余芳訊  
吾希汝落日川之曲  
悵望瀟無語

秦淮圖草篇

樂遊苑內花初開  
結綺樓前春早來  
春色染山還染水  
春光銜柳又銜梅  
此時芳草萋萋長  
秦淮女兒多閒想  
閒想玉闌間  
羅衣正試單  
芳飈入戶吹帷動  
巧鳥當窗攪夢殘  
因嬌麗日長  
千道相戲相要鬪  
芳草芳草而初齊  
葦葦沒馬蹏  
芳草遠如霧  
望望迷人步  
將綠將黃不辨名  
和煙和霧那知數  
鳳臺上舊時基  
燕雀湖邊當日結伴踏春春可憐  
花氣衣香渾作煙  
誰分遲遲獨落後  
誰能采采不爭前  
嫋嫋桑間路

佳期何暇顧悠悠秦淮水遠道不遑思空生謝客西堂夢徒  
怨湘娥南浦離未鳴鴉鳩先愁歇乍囑倉庚正及時正及時  
愁先歇密取畏人窺疾行妨薛滑入深翠溼衣綠高香襲襖  
寒若將何爲束芻欲待誰茜紅猶勝頰莢白卻慙肌薜荔裁  
衣安可被葛蒲結帶豈堪垂盈羽盈襜羅眾芳蛾飛蝶繞滿  
衣裳蘭皋借作爭衡地蕙畹翻爲角敵場分行花隊逐對壘  
葉旗張花花非一色葉葉兩相當君有麻與稂妾有葛與藟  
君有蒲與艾妾有蘼與芷君有合歡枝妾有相思子君有拔  
心生妾有斷腸死羸歸若个中輪落阿誰裏相向無言轉自  
愁芳垆過雨忽疑秋別本辭根何倚託傾青委綠滿郊邱雖  
殘已受妍心惜縱賤曾經纖手摘芍藥多情且自留麝燕有

恨從教擲人生寵愛幾能終人心安能採時同樂愁結念尋  
歸逕接珮連裙趁晚風情知朽腐隨泥滓會化流螢入幕中

眞州江口望金陵

遠望何氤氲棹歌風靜聞情含極浦樹魂逐渡江雲草短鷗  
能數沙乾鷗可羣河橋將別酒猶憶把羅裙

正月十三夜同王若觀伎用來字

倡樓羅薦開急管促行杯花氣衣香奪蟾光燭燄回舞飛雕  
砌雪歌落綺窗梅不豔橫陳態猶期三五來

金陵寄舍同江永叔吳建伯作時建伯卧病

旅館夜沈沈涼風吹客心殘燈垣樹影微雨禁鐘音以子病  
吟苦兼余秋思深離家纔幾日江郭又聞砧

送陳大理德遠奉使還端州

離亭別酒雁隴曠  
使何年帝里逢  
歸路馬寒盧岳雪  
驛樓人夢秣陵鐘  
城臨錦水方迎樞  
家在荷山不廢農  
惟有禰生狂似舊  
嗟君去後復誰容

無題

花暗橫塘有路通  
斷腸送盡橋風鶯  
鶯祇宿雙生樹  
鸞鳳那棲半死桐  
楚峽雲歸芳夢散  
秦淮月在故樓空  
別來聞說新粧束  
學得蛾眉幾樣工

留別朱道安徵信伯仲遊閩

章門一別欲何從  
閩越溪山路幾重  
麋鹿難馴隨野性  
水雲無定任遊蹤  
海晴峯出窺雙鬢  
雨後灘高過九龍  
徒有離魂

繞江樹東湖明月上藍鐘

西湖子夜歌

南峯望北峯如歡又如儂何當雲霧合兩峯作一重

登天臺峯

蘿磴松崖幾百層  
猿攀魚貫始能登  
昨朝望處今宵歇  
巖下雲埋入定僧

揚承鯤十二首

承鯤字伯翼鄞人國子監生有西清閣詩草

屠隆曰榆葉讀伯翼近作如吸日月之華秀爽欲絕  
僕縱觀海內作者語工者格卑氣勁者味短尚纖儂  
則乏風骨吐胸臆則傷體裁作如牛毛合如麀角每  
得伯翼詩便驚異寶  
甬上耆舊集伯翼年十五六爲諸生沈嘉則一見奇  
之曰今日建五丈旗當以揚生居吾前所謂補兒難

與爭鋒也。因作戲贈楊伯翼詩，呼爲德祖。以是有重名。嘗以年家于謁王弼州，見其行卷，絕驚賞。伯翼默然，竟別去。退與人言，王弼先生博大人，謂王先已知已。僕嘗觀其律，不依即。孫儒，章高妙詩于五言律，更爲長。尚容，厠其間。耶伯翼，文章高妙詩于五言律，更爲長。城。靜志，居詩話，伯翼論文，謂先民有作，鼓率存焉。不入。殷率，雖工無當也。論詩，厥博王李，謂暗中摸索，知爲。今人之詩，惟誦之，不類今人，而不蹈古人之迹。斯善矣。譬如學書，然方其心，慕手追，必盡肖古人之迹。斯善也。不必盡肖乃成家，可稱知音者也。田按，王元美贈伯翼詩云：「愛讀西清草，新詩果自清。」吐來珠，照夜琢，就玉連城，禮樂從先，進文章，畏後生。亦知揚德祖，不忝漢簪纓，推挹甚，至萬懸中葉以後。世以王李爲口實，若伯翼者，庶可以議王李而不至流爲鍾譚之鬼趣也。

### 江邨

玉華長林下，江邨落照間。夕風常滿樹，秋雨不羈山。摺拾歲時晏，謳歌稼穡艱。芙蓉涼更發，朝暮損紅顏。

度阿育王嶺

去去盤雲轉高高望海行到山千澗響入谷萬花明邱壑夢  
常往煙霞疾未成興來還不淺翻劇子規鳴

佛迹

嶙峋石氣蒸殿塌久無僧仄徑盤雲入荒碑覆雪崩泉飛陰  
磴蘚花落佛衣藤始悟生生理玄心已似冰

天井寺

萬壑趨天漢千盤到寺門遠山存殿古小姓見僧尊想望眞  
龍窟尋常紫氣屯來朝上五井霜日看雷奔

越客

遂作三年客能無一字傳長安自有月銀漢不通船老客甯

忘越春鴻欲度燕卽看大隄柳歸思正如煙

桓溪晚歸

落葉谷風起山寒白日徂秋風動寥廓人語入菰蒲澗險鳴  
泉亂林高晚燒孤前峯斜照出昏黑徧栖烏

送百穀歸姑蘇

到來蓬子國歸去闔閭城世路有吳越交情無死生  
百穀以  
弔張大  
至郵風高江氣紫霜落海潮青別後遙相憶頻更月且評

紀事

青天日如旂亭午一星明不敢論玄象私心想太平

小山偶然作

煩惱世情終不休欲投空谷轉夷猶寒苦古石深溪路種樹

江樓

酒幔風帘十萬家門前流水是桃花吳鹽似雪來供饌越女  
如雲去浣紗

雪曉懷西清田舍

松暗泉明澗道崩洞門寒色掩枯藤朝來茅屋無行路雪壓  
幽厓第幾層

讀慧上人東嘉草

新詩讀罷意俱閒煙海蒼茫去不還應笑桓溪老居士碧窗  
終日夢青山

吳敏道

十八首

敏道字曰南濱應人萬歷中貢生有觀樞白雲折麻

月舫竹西水影堂等集

舟州山人續稿曰南詩辭骨清麗神采流暢發端必  
工尾結必道隆萬之際灼然巨擘也  
田按曰南詩清俊灑落古今體俱入格選家多未見  
收亦珊瑚網之遺珠也

子夜歌二首

郎向湖南去昨日纔歸來東風知儂意吹動羅幃開  
儂有白頭吟曲短調自高雪花綴瓊樹好看不堅牢

竹枝詞

妾家紅樓江水邊樓前日到上江船問人問得郎消息郎到  
家時月正圓

妾家住在錦江旁錦江流水入瞿塘吾儂只愛錦江好瞿塘

風波愁殺耶

采蓮曲

朝采蓮暮采蓮木蘭爲楫沙棠船翡翠珠簾挂兩邊青娥皓齒嬌且妍吹洞簫擊盤鼓歌聲未歇雙起舞霧縠冰縠風前舉游龍驚鴻何翩翩南湖去北湖回三十六湖明鏡開湖水流入杯中來人生不樂何爲哉君不見玉繩漸低西月頽

鴝鵒行

鴝鵒乎鴝鵒乎爾形不祥爾聲胡惡胡爲乎朝登柏梁之臺暮宿平津之闕巢阿之鳳遠避之青瑣紫微俱落莫阜藝彈擊滿中朝豈能容爾鳴嗷嗷鴝鵒飛入故山去浮雲不蔽萬年樹萬年樹下吹玉簫遠迎鳳凰歸舊巢

至日楊貢士見訪

煖氣浮葭動晴雲逗水新喜逢南至日得見北來人  
笛奏關山月衣沾京洛塵梁園行授簡莫歎馬卿貧

送濟菴禪師還東嶽

僧來自南海別去指東峯破衲兩三片閒雲千萬重  
楓江寒落影花徑暮留蹤遂有皈依念如聞煙際鐘

夜自范莊回支川作

雲蹤無定在來往此溪頭月照衰洪渚詩成謝朓洲  
遠村惟辨樹淺水不勝舟煙際重回首知君尙倚樓

懷郭次甫

只在江心寺盈盈不可呼梅花一歲盡鴻雁尺書無  
春色似

相惜焦山莫太孤，願因新月吐贈爾摩尼珠。

春日過高郵訪龔憲部

經歲不相見，停雲詩思多。春風來幾日，吹綠五湖波。一舸能乘興，中園堪養疴。娟娟畫省月，光滿碧山蘿。

海陵登望海樓

久客不勝思，哀歌劍忍彈。故人能載酒，天地此憑欄。風笛山城暮，霜旌海戍寒。當筵重慷慨，頻按切雲冠。

秋興

烏鵲樓方穩，鳴雞喚廬節。月低穿石樹，風暴渡溪鐘。世事元甘拙，詩情未覺慵。自然眠不得，非是感秋蛩。

黃質山寄詩因答

美人居近館娃宮，采采寒香曲徑通。明月總憐千里共，暮雲  
眞擬一尊同。吳儂江上丹楓葉，楚客山中青桂叢。玩世興情  
俱不淺，肯因搖落怨秋風。

宿鐵塔寺無塵上人方丈

濟水瀾瀾繞古寺，下馬先浣塵土容。白雲一片老釋子，青天  
九級金芙蓉。客久已是厭苦海，睡熟不聞鳴曉鐘。遠遊竹杖  
化爲鶴，明日留之殿門松。

姑孰

馬上春風繫玉瓶，遠遊正不礙沈冥。故人亦有當塗宰，客子  
重過姑孰亭。橋影江天搖水碧，塔陰山寺落空青。滿城白紵  
歌仍好，一樹梨花倚醉聽。

秋日寄武昌故人

別後頻看月秋來未得書武昌江上柳應似故人疏

夜歸

夜景何蕭寥川原莽迴互山僧相送歸月在西村樹

俞安期二十六首

安期初名策字公臨更名後改字羨長吳江人有翬

翬集四十卷

列朝詩集羨長巨目鼻魁顏長身狀貌如河北俞父與之談研術抵掌意氣勃如也少容於龍君揚受國士之遇君揚被譴入楚慰之遣戍永安又入豫章送之與楚人丁元甫爲意氣之交元甫歿贈其子海內歸義焉羨長嘗以長律一百五十韻投贈王元美元美爲之傾倒已而訪汪伯玉於新安訪吳明卿於下雒皆與結社後門章布頗依諸公以起名才氣濫而晚亦知厭湖其窠曰而聲調時時闌出不能自

禁也

靜志居詩話萋長之名由元美明卿伯玉而成詩亦兼綜三家原本李獻吉長於癡祭賦景有餘言情不足如入隋苑觀翦綵花青紅碧綠非不爛然奪目即而視之於根株總不相附

田按萋長才筆縱橫選聲練格俱准古人雖依元美輩以成名其詩未必盡受羈勒也明卿伯玉之才去美長遠甚美長安肯俯就惟貧士依人不得不稍爲假借論者乃以此爲嘗議何所見之不廣也

### 同陶懋中使君自樊口赴江夏抵洪山作

晨榜截洪濤午轍改遙野墳墟岸善崩斷續雨頻灑官道鮮  
有蕩山容亦無治扶藹徒眾驚揭厲淫潦瀉猿愁風篠扶蛟  
奔土膚赭仰脊旣升危折行屢經下濁泥辨去蹤觸雲誤來  
者行止附同懷慰勞愜清竿夕寐偃頽館朝餐卽荒社合井  
展衾初遞代更輿馬委形故所忘爲恭諒非假遠矚情迥復

微吟意宜寫豈茲旅途艱而遣歡  
棕寡撫物領賞心超超息  
蘭若

楚行詠古二首

得志則皋夔失時亦龍蛇胡爲屈大夫  
栖栖欲懷沙發辭吾  
所師述意良足嘉遠擬殷三仁俯仰多  
隱嗟  
賈生計大事實有治安才所乏葆光德  
而令絳灌猜出傅扼  
所志弔屈申微哀承塵上鵬鳥憂生亦  
何哉

丁南羽畫維摩說法圖贈以長句

維摩昔家毗耶城說法思爲眾生利  
辯才居士稱無雙了義  
法門明不二當年願長康每傳其像  
留雁堂張僧陸探微效之  
差可方復有孫尚子亦傳行變空門  
裏吳子道程遜繼之願相

似瓦棺甘露壁俱毀定水聖慈復崩圮靈光飛散成雲煙粉  
彩沈淪入泥滓更兼秘本久不傳丁生創出遙齊肩神手疑  
懸造化力慧眼應破天人權越嚮空青武昌綠齊宮紉素吳  
江縠毫端現界忽三千色裏看身還丈六諸天旣雜沓萬國  
何纒紛天女天花散若雨龍神龍部歸如雲問難文殊若賓  
主仙音似共迦陵吐隱几眞看示病容彌天偏入莊嚴土人  
人諦聽繞縈迂法力變現成須臾空中坐乞燈王座鉢裏食  
傳香積廚嘗聞爲此畫每向中天晷幾年工巧殫神明一時  
瞻禮生歡喜應知盡力施丹青只欲邀人出生死俞居士丁  
畫師前身同住香海水偶然並出青蓮池只今宛在阿閼國  
神通遊戲相追隨

白嶽贈別慧月天人歌

高高白嶽神僊窟紫庭綠宇開帝居萬峯合沓擁珠闕百靈  
趨走朝琅璵琅璵珠闕光相射有美翩翩聿來下天人瞥見  
行天門羽士爭看迎羽駕曳玄服飄華巾步丹宮謁絳宸誰  
信毗城散花女只疑帝所彈璵人自言身是謫居者家臨大  
道通車馬羞厠東園桃李間肯赴西陵松柏下花間樹下虛  
可憐春來秋去能幾年任是學歌兼學舞爭如事佛還事仙  
故衣拋卻黃金縷稽首皈依梵王土江上曾投曼室師關中  
曾禮香嚴主今來問道陟名山寶函玉檢探雲關詎隨鳳史  
吹簫去也乞浮邱授藥還聽者何紛紜望之俱歎息遐絕上  
宮要旋整東歸賦歸時應報女伴知從今勿復忌蛾眉謫期

暫在桃葉渡化身終去蓮花池舊事繁華總堪悔滄桑旦夕  
頻遷改石城女子甯久留臨春美人復安在卽遺豔曲傳人  
間何似幻身辭苦海

沅江雜述

甕子空船入舟師徙岸過牽江人力盡栽石鬼工多風氣非  
全古華音已半訛向西聞小梗羣盜尙橫戈

計辰州光父同登郡齋後山卽事爲贈

吾愛辰陽守看雲獨遠心人長放衙去山與閉門尋磧石空  
階伏麝煙一壑深誰能郡齋裏日夕卧青林

澧上逢林元琳止宿因託寄聲龍君起

天地行寥廓哀歌亦自勞思投武陵往直作杆山逃石鼎青

精釀糟牀玉乳醪誰家留醉客  
白日卧蓬蒿

雪後寄王仲房

積雪山城霽長煙旅望開  
君家隔蒼莽我馬病崔嵬  
茶事鋤雲罷漁歌出浦來  
桃花東郭酒春事候登臺

宿雙嶺菴

聖水臨階定祇林截嶺開  
雨冰龍子出嘯月虎偃來喻法高  
移座繙經小築臺梵音中夜發  
誤作海潮迴

龔子勤自嘉興守拙參浙省駐節金巖奉寄

部內江山是奧區定搜遺事  
歷崎嶇雲林叱石逢僊客  
星槎披蓑問釣徒大有土風書  
越絕能無歌詠憶吳歔故鄉  
寥落扁舟客浩蕩鷗羣在五湖

吳姬年十五爲馮元敏賦贈內人

吳姬十五嫁前谿樂府翻成手自題持檝揚歌津吏女上堂  
挾瑟侍中妻花藏寢室流蘇暗山擁粧樓翠黛齊每起校書  
臨鏡早催人 不恨汝南雞

聞周國雍以順慶守擢建昌兵備進平西南夷遙寄二  
首

總爲征蠻事武功翻從化蜀借文翁深浮黑水蒲江盡懸度  
青天夔道通笮馬全教歸漠北竹王那許擅南中乘邊更欲  
開新郡露布先飛入漢宮

渡瀘無復瘴紛紛詞藻長飛五色雲帳下新聲橫吹笛馬前  
雕管檄蠻文搜荒暫借青羌卒清壁深移赤甲軍自分書生

疏劍術卻思長揖遠隨君

寄周國雍使君於蜀郡

嘉陵新領虎符年  
循吏西來事已傳  
神雀郡門長自下  
石犀江岸老仍眠  
天橫雲漢孤城上  
山擁岷嶓卧閣前  
不藉王褒供筆札  
中和輪爾賦新篇

塞上四首寄汪司馬伯玉先生

塞垣高築切雲霓  
烽燧驚聞斥堠迷  
未遣漢師犁漠北  
浪招虜騎牧關西  
三秦士女移旂帳  
百二河山入鼓鼙  
更說洮州損諸將  
可容無罪問羌氏

佛牙每說迎西域  
虜道長間借肅州  
誰遣單于通右臂  
遂煩飛將射旄頭  
六師塞外難憑險  
五郡河西獨隱憂  
縱馬放牛

非往日居延龍勒早防秋

夜傳羣幕寇西涼朝輦金綰委朔方既有羣胡看太白甯勞  
諸市貢飛黃江南輓粟輸垂盡塞上屯田事太荒今日乘邊  
休浪議安危須問趙平羌

先皇套賊未曾搜竊土犁田古夏州千帳依憑元內地幾人  
憂患自西郵虛誇積甲齊熊耳誰議稱兵飲虜頭曾牧昨聞  
通外援可堪肘腋據旃裘

玉照亭

鳴曲孤亭抱影斜林梅迴繞玉光華巡檐近擁三珠樹捲幔  
高懸四照花肯學漢姓非主第不教羌笛在鄰家玲瓏帶雪  
仍堪鑿宛坐雲中七寶車

寄周國雍憲長於臨洮

榆城絕域晝蒼茫  
白日陰陰隔隴長  
雪後旌麾秋逐虜  
雪中燎火夜搜荒  
桃花東道來天馬  
木葉西山見玉狼  
不耐因君懷出塞  
笛中新曲奏伊涼

李善徵憲使備兵湖北賦贈

荒雲夷部拓千山  
版籍新開洞壑間  
土俗已非三戶楚  
衣冠漸出五溪蠻  
綠邊樹色巴蛇斷  
旆裏桃花竿馬閒  
獨有犁庭西北議  
無人重出玉門關

登夕佳樓因寄丁元父兄

縹緲飛樓載酒過  
異鄉搔首一悲歌  
高沙北郭情偏近  
佳氣西山夕更多  
濫有虛名歸草莽  
動隨詩興隔關河  
美人南浦

遙相憶獨雁春江怨綠波

勞勞亭與所知敘別

長河落廣庭  
醉酒溼秋星  
出戶輕生死  
藏名託醉醒  
一言曾  
夙昔百感豈飄零  
朋好從茲別  
山川信所經  
亂雲高進屐  
大澤莽揚舲  
巖石臨圻白  
湍流入峽青  
懷沙悲楚客  
倚竹見湘靈  
風土還徵記  
鄉音欲改聽  
清芬紉岸芷  
赤實采江萍  
畏路元輕犯  
遙心不自甯  
樓觀愁日短  
憶友悵雲停  
縱使身仍在  
勞勞似此亭

水月洞

洞戶引江流  
南下清瀾瀾  
月過影孤沈  
潛虬抱珠起

東濠雜興

日斷青精炊飯雨芟綠草編蓑老合爲農石戶貧甯貸粟監  
河

代送中使織裘還朝

織罷冰綃進御歸敝人水國暫停機自憐不及吳蠶老一吐  
新絲上袞衣

明詩紀事

貴陽陳田輯

庚籤

柳應芳 五首

應芳字陳父海門人有柳陳父集四卷

露書柳陳父詩如田舍翁暴作封君舉止生澀  
列朝詩集陳父僑居金陵住城南之杏花村近瓦官  
寺舊京最僻地也爲人和雅美鬚髯修容止衡門雨  
版非力不食往還惟曹能始林茂之三四人他無所  
詰作詩不輕出語每行街市低頭沈吟悠悠忽忽觸  
人肩面不自覺也嘗語人作一律詩必選魂數才番  
方得意愜其矜慎如此廣陵詩人有盛名推陸無從  
沿染七子流風不克自拔陳父名不及之篇什亦寡  
興會清發翦刻常言自可使無從御步此論實自余  
發之白下談詩者無異議焉  
書影陳父無于一女適程君慎先于歸日以所刻詩  
板爲益其時謂愈于昔人繫羊牽犬也

田按陳父詩細賦清切收齋稱其矜慎有以也

### 別車福州

孤舟將北渡轉轉切歸心衣積他鄉淚琴操故土音山長催  
日暮江暗結秋陰回首閩南路思君一水深

### 題陳盡卿溪上居

晚歲家溪上蕭然林下風栖雲山向夕寫月水承空岸折長  
橋落城臨小市適看君忘出處將老一邱中

### 正月十七夜宴李太保西第

正元望後宴平津羅綺初筵入早春盤馬闌車纔罷夜殘燈  
剩月尚宜人梅花落歌前緩柳葉開經勝裏新不信金吾  
仍放禁歸時看取六街塵

豫章朱芾斯宗侯逸園雨中宴別厝太初之南海羅徹  
叔之武昌李林宗之白下孫泰符之劍江歐陽子奇  
之毘陵子選廣陵

滿堂遊子歎飄蓬無數離羣細雨中飛蓋西園因卜夜挂帆  
南浦待分風豈知江海經年別不見關山去路同他日相思  
非一水尺書何處寄春鴻

咏美人梅花對鏡

香奩妝欲罷移照梅花前徘徊兩孤影抵死鏡中憐

何白

三首

白字无咎永嘉人有汲古堂集

列朝詩集无咎幼時爲郡小史龍君御爲郡司理異  
其才爲加冠集諸名士賦詩以酬之爲延譽於海內

遂有盛名能書善畫  
畫史會要无咎詞賦擅名山水得方方壺筆意清老  
可尚竹石亦最嫺潤  
靜志居詩話汲古堂集原亦出於七子頗與俞羨長  
相近

哀江頭

飛雲渡口西風急津吏停橈刺船立始陽公子方垂髻掩抑  
依依向余泣爲言阿父守南康雙旌五馬爛生光甯知廉吏  
反成罪諸孤藐爾身淒涼父昔驅車到公府滿目日詢民疾  
苦化行遠邇期月間不圖遽坐中官禍中官權稅來江州譏  
征會歛深誅求大旗卓天天爲愁峨艦壓江江不流長江日  
高一丈五傳呼奏樂頻過鼓于闐寶帶刻麒麟大內金牌畫  
飛虎禿袖監奴紫繡衣銳頭惡少青絲組長官俛首不敢言

何況區區商與賈左右濫用水衡錢夜椎肥牛朝擊鮮張弓  
挾彈仰天射鳥飛不近潯陽天游徼關頭弛巡邏忽傳商容  
偷關過駕風遠遂到南康中流絳斷官船破十人失水九人  
墮飛鴻適值長鯨餓水中叫援呼州民州民舉酒翻相賀貂  
璫見說生狂噴自謂奉書督國課璽書統轄及守臣有事守  
臣當我佐州民袖手誰使然民之凶獷誰之故父謂爾璫勿  
怒嗔爾曹腰領無容剉關津有地稅有經越境猶然贖泉貨  
而曹之死天死之豈得吾民有連坐貂璫搗牀怒不止誘贖  
蜚誣抗明旨御批緹騎出燕京檻車夜達南康城南康城外  
蓬城內江水湯湯流哭聲母憐此別異南北誓願相隨同死  
生父云一身尚難保豈能攜汝增伶俜夜闌掩泣已憔悴阿

父據牀方假寐燭輝無燄雨淅淅阿母遂作無聊計平明呼  
母唯空牀甯知阿母懸高梁阿父見母死拔血裂中腸兒女  
見母死恨不從母亡闔城聞母死擗踊咸如狂中有但夫人  
八十鬢髮霜閒我東閣廂著我素羅裳倉皇備牲醴命僕舁  
黃腸親爲視殮舍三繞母尸傍抗聲慟爲絕陰霾四塞天無  
光錦衣敦迫難久俟薄俸那能具行李父老吞聲爲隸金商  
畧通衢實方軌三日得鏹三百餘空城大小隨行車呼天遠  
徼一千里道傍聞者咸嗟吁天王明聖臣當戮詔發秋曹先  
繫獄一物終回造化仁六幽竟藉陽光燭不分生還見故鄉  
驚看兒女錯成行短衫紫鳳半零落小子呼命能遶床夜闌  
秉燭獨疑夢悲喜交并轉沈痛幾回呼母母不聞嘔血撫棺

惟一慟孤臣九死輕一毛天心未磨生何聊愁問稅監益驕

恣豺狼滿道人蕭條

橫雲山人史稿吳寶秀字汝珍浙江平陽人萬曆十七年進士二十六年為南康知府湖口稅監李道橫甚寶秀不與通會漕舟南還乘北風揚帆直入湖口道欲奪其貨遣卒急迫之舟覆有死者道即遣爪牙吏持牒捕漕卒寶秀拒不發道大怒明年正月飛章劾寶秀及星子知縣吳一元青山巡檢程資阻撓稅務詔俱逮治給事中楊應文等請下撫按公勘大學士沈一貫吏部尚書李戴國子監祭酒方從哲等交章為言俱不報寶秀妻陳氏慟哭偕行寶秀不可乃括餘貲及簪環得銀三兩許付其妾曰夫子行以為路費夜自經死寶秀至京下詔獄大學士趙志皋上言臣出卧床褥間中外人情洶洶皆為殞稅一事聞寶秀逮繫時其妻投環自盡閩郡號呼幾成變亂事關民生向背宗社安危臣不敢以將去之身隱默而不言星子民陳英者方廬慕約儒士熊應鳳等走京師伏闕訟冤乞以身代於是撫按及南北諸臣論救者疏十餘上帝皆不省一日司禮田義彙諸疏進御前帝怒擲之地義從容拾起復進之叩首曰閣臣

跪候朝門外不奉處分不敢退帝怒稍平取閱關臣疏命移獄刑部皇太后亦聞陳氏之死從容爲帝言至九月與一元等並釋爲民歸家踰年卒初南康士民建祠特祀陳氏後改建合寶秀祀之天啟初贈大僕少卿賜祭錄其一子

溪翁行

溪田犂礪河田沃瘦土民勞沃土樂河田多收十斛餘年年不肯全輸租溪田收薄少生計刈薪買穀完新稅春來月出不聞歌昨朝社飲無人醉溪翁相羨河田豐家家醜酒珍珠紅

淮陽歸興

窮秋征馬出扶桑五夜流烏入建章土木再煩將作匠詔書頻拜羽林郎山連豐浦今湯邑江繞瀟湘須古戰場安得漢庭

長孺輩令渠一卧治淮陽

林世璧 一首

世璧字天瑞閩人參議炫子有形雲集

靜志居詩話天瑞爲奠祭酒用卿女壻嘗從婦翁游鼓山分韻賦詩時天瑞已醉詩成題壁有眼中滄海小衣上白雲多之句坐客皆歎以爲不及徐惟和詩云閱尋老衲叩禪堂墨跡淋漓滿上方一自題詩人去後白雲滄海兩茫茫蓋爲天瑞作也覽形雲集終卷才雖敏而調實庸

詠燭

弄影還驚月開花不待春夜深屏幃裏偏照綺羅人

斯一緒 二首

一緒字惟武東陽人有懷白山房稿

娶書一緒詩格精使事後忽悟一切去之興寄超然金華詩錄萬厯戊午惟武與徐伯陽龔季良陳大孚

章無逸吳陽如諸人爲八詠樓社惟武實爲盟長

塞下曲

草別故園綠路經窮戍寒天山從此雪萬里正漫漫帶甲宵  
難夢聞笳曉未殄裁衣休推舊俠骨半銷殘

浣紗石

人去邨銷采葛歌浣紗溪畔憶流波越臺吳苑俱荒草春色  
依然到芭蘿

方堯治

一首

堯治字翁恬蘭谿人處士太古孫

多雨

荆楚原多雨蕭蕭五月秋支床無好夢覽鏡有深愁性已同

麋鹿名應混馬牛，遊人長散髮吾道屬滄洲。

商家梅一首

家梅字孟和閩人有種雪園詩選五卷

隱秀軒集孟和稱詩二十年取材多用物安假途遠富有日新

列朝詩集孟和少爲詩饒有才調已而從鍾伯敬遊一變爲幽閒蕭寂不多讀書亦不事汲古鐵心役腎取給腹笥低眉俯躬目笑手語坐而書空睡而夢醒呻吟咳唾無往非詩殆古之詩人所謂苦吟者也

田按閩人之傾心鍾譚者前有蔡敬夫後有商孟和孟和詩較有情致

到白門同友夏坐茂之齋頭話別

暫得清談到夜分，逢遲別促思紛紛。庭前一片高梧影，明月來時卽似君。

王醜三首

酌字先民揚州人

列朝詩集先民弱冠善詞賦陸無從李本甯交相引  
重意不屑也遊長安日醉市樓挾妓走馬人求識而  
不可得會麻大將軍聞將士先民輕裘快馬馳突演  
武場引弓破的矢矢相屬舉雙劍飛舞纓忽如崩雪  
大將軍降階執手欲舉以冠一軍先民笑曰家本諸  
生聊用遊戲耳讀其集深情孤韻秀句錯出  
田按先民五律頗近鍾譚古詩時能類出

題馬姬湘蘭所畫蘭竹卷

寒映秋芳數枝玉冰綃宛是湘江曲能使湘靈愴別魂瑤瑟  
泠泠怨秋綠霓裳奔月留難住錦衾紅燭生愁緒墨花化作  
秦淮雲猶向粧臺日來去

吳門送劉元博遊楚

芹芽淺淺江綠深江南畫船載楚心因君余夢瓜州渡期君

水宿夢相遇梁間傲筍江底魚二年意密見面疏寫與苦歌  
伴千里峽夜嘯猿疑在紙

贈林羽仲

業廢歸無定年衰見屢難詩名半生過客舍幾移安少已深  
邊策貧聊就幕官西風瑒江郭猶有故人寒

薛岡二首

岡字千仞鄞人有天爵堂集

甬上香齋集千仞年八十集其生平元旦除夕詩爲一卷起萬厯庚辰至崇禎庚辰福建林茂之敘之身爲詞客六十年名重天下亦盛事也

庚辰元旦

日挂鳳樓端新年事改觀可矜臣罪薄不測主恩寬望赦心

徒費回天責已完諸公有笑口踴躍試辛盤

### 華清宮

繡嶺出煙村宸遊迹尚存離宮何處是流水至今溫盤路年  
深廢峯巒幸後尊空餘一片月猶似照朱門

### 吳夢陽一首

### 夢陽字允兆歸安人有射堂詩鈔十四卷

列朝詩集允兆好吟詩詩不就竟夜不交睫苦思刻  
鏤必得當而後已

靜志居詩話牧齋列朝詩論嘉定程孟陽曰松園詩  
老謂能照見古人心髓若絕矣古人而得其指按歎  
爲古未有新安閔景賢輯明布衣詩推歸安吳允兆  
爲中興布衣之冠是皆阿其所好不顧千秋之公是  
公非以余觀二子之作以政則魯衛以風則曹檜陳  
詩者不廢斯幸矣

田按允兆詩誠如竹垞所譏孟陽清俊之作集中不  
知凡幾竹垞與允兆同譏斯所謂良驥與駘駘同阜

公是公非安在也

湖上同晉叔嘿孫作

心賞無過杯酒間  
良朋難合復追攀  
重尋往事渾如夢  
好藉清談一解顏  
秋杪細聽將墮葉  
月斜猶傍未沈山  
請看臨別蕭蕭影  
幾度殘鐘拂曙還

米雲卿二首

雲卿字君夢湖廣人或云汴人徙家蘭溪後徙居歸安之埭山

筆精君夢有山居詩極幽人之致

列朝詩集君夢少有才名蒹遊南北落落不遇其撥  
閱詩云十年湖上社雙屐湖東山有子癡難教無家  
老不還亦可見其老懷也

田按孫太初秦人或云蜀人米君夢楚人或云汴人  
選家莫得其詳也據黃居中增筆精云君夢在南中

月華卷二十一  
贈其二律是嘗身與唱酬者居中云君夢生於汴徙  
於婺卒於茗當可據君夢有詩云歸心長路阻黃河  
亦可爲汴人之證

楊柳歌送唐仲秩

江南二月時楊柳綠華滋高臺不知數臺邊千萬樹榮隄夾  
岸相映新搖曳朱門鬪美人翠樓絲絲爭媚日黃鸝樹樹學  
嘯春嘯春不住高下飛金梭亂擲流黃機又如織女織初斷  
千絲萬絲紛歷亂旋作東郊一片陰雨中淺淺煙中深迤邐  
青綃合步障纏綿縷帶結同心青綃步障大道傍同心縷帶  
春風香佳人玉笛青樓遠公子金羈白日長旗亭百座空中  
曉嫩葉柔枝互綠繞碧玉蛾眉恁鬪妍小蠻腰肢徒曼曼君  
不見楚王宮裏花盈盈千容萬態學未成春心不死怨猶在

只今盡逐東風生瀟陵橋章臺路異代風流那得願章臺舊  
日花如雪瀟陵古來多送別眼前景物不得將何以贈君天  
一方好向枝頭惜顏色莫待傷心秋草黃

春日途中口號

行役日復日奈何歧路長春泥滑馬足芳草斷人腸日落野  
煙合花開村店香吳姬似相識招客酒壚傍

秦鎬一首

鎬字京汝南人有頭責齋詩

靜志居詩話袁小修序頭責齋詩有云今人字皆兩  
字而京字獨一字自東漢以下無之矣然漢以降如  
顏之推字介李曇字雲劉乾字天羅靖字禮房玄齡  
字喬顏師古字綽張巡字巡孫晟字鳳李條徐倫字  
堅毛欽字傑正難悉數也

冬夜見新月

霜天約畧一鉤斜，半挂平蕪半遠沙。  
照向兩鄉偏是缺，不知圓處落誰家。

石沈一首

沈字澼仲如臯人有白雲居士集二卷

列朝詩集澼仲爲詩陶冶性情蕭疏閒放雅以寒山擊壤自命吾則以爲古之香山今之江門也

有懷

遠村幽壑獨徘徊，雲護柴扉雪護苔。  
盡日溪邊倚枯柳，白鷗何事不飛來。

周應辰一首

應辰字斗文鄞人有綠莊詩采

田接斗文師余君房君房別號農丈人斗文自謂生平苦學得農丈人之半自號農半其詩亦載君房之體

下第後送薛元璞

忽忽不得意秋風又送君  
路知雙目近情作一年分  
人影留殘照山光隔片雲  
歸期如可俟此去莫論文

戎玠一首

玠字孟常鄞人有蜀游草

曲溪

村煙生晚翠野水聚空潭  
雞犬逢人偃桑麻著雨甘  
漁歸燈破暝僧定衲棲嵐  
得近前溪泊泉聲答夜談

虞伯龍一首

伯龍字公普鄭人有擔簦集

昭代選屑公普佳句骨以耽詩癡情因縱酒狂薄俗無青眼長才自白眉

明妃曲

生小入建章垂死埋沙漠不怨主恩輕還悲妾命薄

張正蒙一首

正蒙字子明江甯人有蓬蒿集

列朝詩集子明世居通濟門外之晉澗臨河結廬柴門晝閉帶索拾穗未嘗俯仰於人年踰九十隱淪終老

冬日閒居

僻居心遠矣閉戶日蕭然一水帶寒月孤村幕夕煙貧惟尊酒在詩豈眾人傳卻憶蒙莊子冥搜內外篇

程伯陽一首

伯陽字師道休甯人有小樵山人集

新都秀運集師道家貧賣藥自給詩多漫興而沈思者自入法

白岳雪中送惠光上人還福田

山中一夜雪一尺山鳥無聲斷人迹石楠倒挂天門開飛磴  
虬盤樹杪來怪爾老僧不暫住凍雪千峯獨歸去寒風吹衲  
踏瓊瑤肩上蕭然只一瓢紫霄巖前一相送鐵杖敲殘松鶴  
夢重來結社是何年澗上桃花紅又燃

孫友篋一首

友篋字伯諧歙人

新都秀運集伯諧好神仙山居獨行洞簫在佩不顧俗語飄然自怡其詩任性放吟嬉於祖述間有合作

月窟名二十一  
便越凡情若行看水流去坐期雲飛還我家老梅花  
開到第幾樹行人欲問前朝事翁仲無言對夕陽皆  
稱佳句

過程學士墓

野水空山拜墓堂松風溼翠洒衣裳行人欲問前朝事翁仲  
無言對夕陽

孫名由 一首

名由初名凡字公路蘇州嘉定人有張公路詩集

離志居詩話公路居平世而好言兵棄家產僅僕以  
避徭役可稱知幾之士蓋先唐裴程李四子稱詩而  
學文於震川者

夏日田家

風過林花落雨餘溪水渾飛雲停不去低回戀幽軒夕陽下

平楚遠樹見漁村四體弗勤動興言愧鹿門

應泉二首

泉字仲鶴鄞縣諸生有楚遊烏溪詩草

甬上耆舊集何无咎云仲鶴詩如波面淪躔青壁映帶

閉戶

閉戶松鱗老臨渠竹粉香偶然來野衲小語及空王日永修  
茶具年衰訂睡方窮山渾自了焉敢傲羲皇

姚少師影堂

有自題偈語

冀北江南事已非禪機未了說戎機止聞智者師黃石曾見  
功臣著衲衣杉翠溼空春欲老砌塵凝席客來稀一參偈語  
低徊久颯颯靈風動素幃

何璧 一首

驥字玉長福清人

靜志居詩話玉長任俠見知於黃峽張濬張後開府  
遼東將疏薦以布衣拜大將會罷鎮乃止濬卒入楚  
哭之遂以病死亦矜奇之士也寄友詩云士到出山  
誰不賤術惟游世最難工足當阮生之泣矣

金陵寄沈千秋

挾策干時任轉蓬壯夫曾悔學雕蟲荒年有客愁炊桂薄俗  
何人惜鬢桐士到出山誰不賤術惟游世最難工長安官道  
原如髮只有狂生歎路窮

汪樞 一首

樞字伯機鄞人有存俟篇

兩上嘗舊集伯機蕭散工詩治別業日泡園作園居  
詩六十首徐興公題其卷曰疏作風清逸同雲上

田按伯機早春詩云貧家無歲事贏得看梅花可謂清絕

一邱

頭白令身閒行隨俗鳥還春生栽朮地水漫釣魚灣劔竹通  
遙澗刪松露小山一邱高卧穩無夢落人間

諸葛鯨一首

鯨字君騰一字騰甫蘭溪人寄籍酉陽宣撫司爲諸  
生貢入太學有漫遊雜稿黔中集問華子集

四溟詩話諸葛騰甫渝城人日東李給事前聯詞意  
並佳天造奇景宛如披四川圖使人興不可遏但神  
馳於夢寐耳其詩附後訪舊來何晚輕帆落驛亭江  
迴劍外白山擁漢中青萬里逢人日孤城感客星知  
君懷諫草翹首望明廷騰甫別號問華諸葛武侯四  
十二代孫

小莊卽事

春樹縱橫繞白沙清溪流出幾人家  
自嫌睡起渾無事且向空庭掃落花

盛鳴世

三首

鳴世字太古鳳陽人國子監生有谷中集三卷

列朝詩集太古詩翦刻鮮淨措置清穩盡削常調實爲一時之儁如烏嘸白門夜月上一樓霜錢郎復生何以過此

靜志居詩話太古五言圓潤貼妥其源出於邵士元

送臨江蘇太守

五馬夾朱輪驛途不動塵  
問山廬嶽近領郡虎符新  
吏詩難廢民稀俗易消  
江花迎路發十月待行春

夜過凌方弦山齋

十里到孤村柴門下夕曛  
霜鋪平野月鍾斷隔溪雲  
病骨逢

秋健清言忘夜分自君多祕術猿鶴已成羣

贈曹鳳岡

仙才多玩世况復幕官閒鶴養空庭樹雲栖傍閣山酒干官  
長禁詩乞野人刪爲有延徐榻相期數往還

姚旅二首

旅初名鼎梅字園客莆田人

露書作詩須有警語未經入道方能傳遠若拾人牙  
後已披之華何足奪目余有元日江行詩春聲得野  
雀歸意競江鴻不道芳年改還添衰髮中自謂無所  
踏襲矣然唐太宗首春詩寒隨窮律變春逐鳥聲開  
劉長卿元日詩律變滄江外年加白髮中則余向作  
總不出古人範圍矣安得佳  
列朝詩集園客苦吟詩不多作  
靜志居詩話園客放浪湖海綴拾舊文露書一編頗  
存軼事其評隲一時詩家遠比教器之近續王元美

月齋卷二十六  
四  
瑯琊道上

魯酒猶堪醉瑯琊  
奈可栖荒村  
花不笑殘日  
樹含淒城郭黃  
沙外人家古墓西  
唯餘霜月夜鳥似白門唳

辟支巖

選勝藤蘿更上攀  
巖岩一點翠微間  
江城作斗蹲平地  
海水如雲貼遠山  
茶竈堪消今日福  
酒杯仍值野僧閒  
同遊幽僻同猿鳥  
不到昏鐘不肯還

李垞一首

垞字公起鄞人有盟鷗集

甬上耆舊集公起生卽龔父喪號慟五日  
夜水漿不入口咽枯而嘶乃更啞縱觀先  
世遺書不問寒暑性好客郵筒走天下  
四方學士大夫樂遊之具賓主以案  
相通以筆有問奇者載紙以往朝里中  
記藏名甬

東軼事撰述甚多舍傍有裴園竹波軒青蘿閣諸勝與客遊處好學之外淡然他無所嗜翻若口耳爲煩也曹能始嘗合華亭唐仲言爲二異人傳仲言聲而工詩通古今公起以目誦仲言以耳讀兩君誠千載異人也

### 寄曹能始少參

問道浮山勝水松十二株華堂背北郭曲榭瞰西湖開蔕三山藥高懸五嶽圖金屏花外擁小小侍呼盧董小雙李小蘇俱閩中名妓

### 唐汝詢二首

汝詢字仲言松江華亭人有編蓬集十卷後集十五

### 卷

列朝詩集仲言五嶽而瞽父兄抱膝上授以三百篇及唐詩無不成誦旁通經史能爲諸體詩箋注唐詩援據賅博亦近代一異人也嘗過余山中酒間誦子虛上林諸賦杜白諸長篇鏘金玉琅琅不遺一字

留枝杜詩時有新義如解得壑疏放之句云出於向  
秀賦穠志遠而疏呂心放而曠亦前人所未及也仲  
言之兄汝謬篤嗜王李之學仲言童而習之故其於  
詩未能超詣蓋亦雲間流派如此  
靜志居詩話詩人形累者孫伯融跋偶武孟張節之  
謝茂秦眇視希哲技指何仲默禿弁其他不可悉數  
至唐仲言無日李公起嗔耳薰兩君乃能勤於箋述  
不廢吟咏是難能也

八月二六日攜諸兒過吳逸一山齋夜集

田禾滿野正高秋  
命楫將雛偶出遊  
逸興不緣微雨盡  
晤言偏愛小亭幽  
垂垂菊葉黃將圻  
颯颯楓林絳欲浮  
暫一持螯便歸去  
重陽猶苦獨登樓

折楊柳

昔攀垂柳唱陽關  
柳復垂絲君未還  
惟有楊花易飄蕩  
隨風吹得到陰山

邢大道

三首

大道字性之洪洞人諸生自號少鶴山人有白雲巢

集二十四卷

田按曹能始合李煥唐汝詢爲二異人傳煥龔汝詢  
替二人皆能詩也少鶴山人邢性之病癯丈人也張  
五鹿稱其首與几齊足不及地客見之胡盧而笑願  
亦能詩以山人遨遊王侯公卿間余錄其詩可增爲  
三異人矣

三月八日重遊廣勝寺

野水村橋路不迷十年幾度到招提  
依巖鶴宿松長好隔岸  
鶯鳴柳半齊林草自香充佛供塔雲無恙護禪棲  
東風不負山靈約歲歲何妨到杖藜

送雷廣文擢長沙別駕之任

別駕榮名縮綬年河梁話別轉悵然官程莫惜長沙遠宣室  
甯忘賈誼賢凭案夏雲高嶽麓寒帷秋色滿湘川懸知公暇  
延詞寄郢上何人白雪篇

寓彌勒菴

客到長安不上書蕭條行李寄僧居經翻石閣香銷後句就  
松門鶴下初帝里風煙秋色暮天涯霜雪夢魂虛竹床蒲椅  
聊棲息歸去青山有汝廬

王嗣經一首

嗣經字曰常本姓璩上饒人

臺城懷古

湖山迤邐接亭皋前代遺踪有石壕腸斷覆舟山下路年年

春草似青袍

王伯稠二首

伯稠字世周崑山人有白虹集二十卷

弇州山人續稿世周樂府尤長情事歌行奇逸七言律絕瀟灑

王奉常集世周詩淡宕豪逸

追昔感事二首

欲醉胡姬耐笑看  
駝酥千盞不辭乾  
忽雷抱向青樓月  
撥出涼州夜雪寒

射虎屠龍意氣豪  
縱橫年少見吾曹  
老來夢斷長安事  
落日撈蝦傍小舸

鍾惺二首

恹初名恬字叔靜竟陵諸生僉事惺弟有半蔬園集

香祖筆記叔靜詩絕有風骨不肯染竟陵習氣古詩如大將雖自賞少小爲奴隸男兒不殺賊不應死邊城近體如桐新春後葉竹正午時陰皆佳境田按叔靜詩不離竟陵氣習阮亭所述蓋其一體耳

贈林茂之

不惜頻將過交情病裏深桐新春盡葉竹正午時陰筆墨延  
余坐冰霜識子心支床憐弱骨藥餌互相欽

初秋在聖修中孚齋中

新秋十日易爲涼風遍閨樓只一床階疊雜文綠集雨菊存  
花事待重陽話深兄弟相需夜機息禽魚各有鄉蓮水長隄  
疏密柳鐘聲落處見蒼茫

葉之芳

三首

之芳字茂長無錫人有雪樵集

弇州山人續稿雪樵子詩氣完是以句工而不累篇  
調諧是以篇工而不累格  
列朝詩集茂長以能詩出遊人間好使酒罵坐鄒彥  
吉與之同里繆相延重而心殊苦之知其人亦豪士  
也

虛籟堂

嗒然子綦卧心與靈區忘不知寥廓中清籟如笙簧耳之忽  
無聲下見澄潭光

迴梁

青陂迴復直朱梁曲帶斜波底見人影藻間明日華藤花夾  
岸落風吹上別槎

花津

庚鑑卷二十六  
谷口流鶯亭午聞春深潭上氣氤氳武陵仙路尋難入千樹

桃花萬疊雲

田按虛巖堂迴梁花津乃安茂卿西林三十二景之三景也西林擅林沼之勝王弇州有記

游及遠 三首

及遠字元封莆田人有小竹林草

露書余從子巽卿卒於秣陵游元封哭以詩有九原有路君先到酒作詩朋次第來之句蔡君豪戲之云君兩人皆高陽酒徒君當先去次年元封下世詩竟成讖

蘭陔詩話元封爲益藩上客與同里姚固客吳元翰黃元幹皆預金陵詩社

再別雲南養正宗侯

祖帳重爲別河橋春欲殘垂楊依岸綠暮雨過江寒老客飄零慣危途去住難多君能解劍拂拭帶霜看

去妾贈夫

賤妾出門去含悲當告誰落花難上樹逝水無還期燈盡催  
機杼香銷戀總幃可盲君意變自欺妾容衰

殘燈

夜漏斷還續燈花開且落應識含羞容滅光進羅幕

沈野一首

野字從先吳人有卧雪閉戶燃枝榕城諸集

列朝詩集從先爲人孤癖寡合下簾賣藥雖甚飢寒人不得而衣食之也曹能始見其詩激賞之延致石倉園題其所居之室曰吳客軒好飲每夜半大呼索酒矜重其詩徘徊吟賞自能始徐興公兄弟外不輕示一人能始常嘲之曰半夜號咷常索酒一生租課自爾詩亦可想其風致也

寒食

驚心芳草上河橋雨後推窗見柳條廚下從來煙火少不知

寒食是今朝

露書姑蘇沈野作寒食詩徐燻賞其語往訪之及近閨門重門已閉進退不得因於簷下坐一夜沈因是得名

王野 一首

野字太古歛人有覺非齋詩彙餘稿

列朝詩集太古遊于金陵不輕謁人貴人慕其名訪之累數刺始一報謁蹇驥造門稱布衣王野投刺徑去晚年詩頗爲寬陵熏染竟陵極稱之爲評隋以行世

金城禪院

林巒殘雪露淨土獨游頻鳥似忘機客山疑入定僧  
飄花飄不盡古木自無春坐悟衣珠在空經累劫貧

汪禮約 三首

禮約字長文一字士垓鄞人有長文遺詩一卷四明

游籍一卷

甬上耆舊集長文中年謝客坐卧一小樓著書雖  
子不得見垂二十年少工書樓上徧置靜楮筆於左  
偏開一穴下置容五石大缸每一詩成書紙熟視良  
久輒手取投之投穴中積歲時缸滿好事者爭取之  
稍傳布人間  
田按長文遺詩清迥無俗格四明遊籍蓋與沈嘉則  
酬唱者濡染其習稍涉俗韻

獨立

漸少區中累蹉跎歲暮天煙霞常引疾犬馬欲忘年山課松  
楸稅園收芋栗錢寥寥一生事獨立意儻然

偶作

黑黑竟何意，栖栖常避人。乾坤存一壑，風雨過三春。錦帶懸  
居士青山作，外臣衡門有尊酒。長日傍松筠。

歸望山茨有作

秋陰自寥廓，况復遠林歸。一水孤舟入，高天亂葉飛。江雲晴  
稍薄，山日晚猶暉。何事東溪上，行吟老竹扉。

費元祿二首

元祿字無學，鉛山人。有甲秀園集二十八卷。轉情集

二卷

田按無學詩小有才致，習與陳眉公、周方叔遊，故所著轉情集不離二人窠臼。

聚景園

江山無恙黍離哀，宋主巡遊有故臺。紅粉六宮俱是夢，翠華

萬乘幾會來芳原花石歸新主異代園林集上才申使不歸  
陵寢變官梅今作野梅開

汨羅

二水紆迴弔屈亭荆門渺渺浪冥冥離騷宗社憂同姓放逐  
江潭怨獨醒芳杜涼風舉曲渚木蘭秋露飲寒汀欲招楚些  
蛟龍窟蕭颯楓林兩岸青

送希韓一首

希韓章邱人

山居

老性習成懶日高開戶遲破囊惟貯藥活計只工詩竹影搖  
山色花香入酒卮流光不少待催我鬢成絲

吳孟堅

一首

孟堅失其名莆田人

田按孟堅遊章嚴詩見費無學轉情集無學稱孟堅賦才雄偉行麗精深博敏蓋才士而淹鬱終者莆田又有藍翰卿詩云名踪安可窮去去勿復辭不愁人行惻甯無衰歇情誰令志不舍長與古今愁高煙白日寒千秋長不虧游媚性所拙慙悲甯可裁鑿已固已省狗物亦難任勞思不能寐感物愁逾昨湯義仍稱其憤切怨幽當令嵇謝掩泣義仍贈翰卿詩云不謂嶺海內乃有淵雲出推挹甚至吳藍二生詩選家未錄余亟登之

遊章嚴

千仞峯頭一振衣  
青天歷歷踏斜暉  
醉來爭拾金光草  
騎得

茅龍帶月歸

朱應龍

一首

應龍字舜夔一字近臣鄴人有東籬樂府

靜志居詩話東籬與沈明臣葉太叔盧溪齊名號明州四傑乘月飲海上大醉溺死其短歌行云皎皎月明鴛言宵征唯君之故不違自甯說者以爲近於識也

### 短歌行

人生幾何樂少憂多彼逝者日如江如河

解一

歌當以謠莫如

心勞何以忘憂唯有松喬

解二

我思故人在河之瀕欲往從之

渡涯涉津

解三

皎皎月明鴛言宵征唯君之故不違自甯

解四

楫蘭舟泛彼中流今夕何夕載酒遊遊

解五

臨風鼓瑟中心弗

鬱弗鬱者何所懷非

解六

黃鶴高翔日遠故鄉徘徊中道風

雲激揚

解七

山忘其高水忘其深智哉古人實獲我心

解八

嵇元夫

二首

元夫字長卿歸安人有白鶴園集

贈天機上人

高僧修道處精舍與人違樹密松關暗溪深石徑微巖扃青  
靄接澗戶白雲歸塵累何能斷從師此機息

立秋日蘆溝送新鄭少師相公

單車去國路悠悠綠樹鳴蟬又早秋燕市傷心供帳薄鳳城  
回首暮雲浮徒聞後騎喧乘傳不見羣公疏請留三載布衣  
門下客送君垂淚過蘆溝

靜志居詩話長卿父編修世臣嘉靖辛丑分  
高文襄出其門長卿少年簡傲獲罪與某推官坐  
死文襄營救獲免招人執其手活期士曰此天下  
才也及文襄去位乘牛車出國門次日始有馳傳後  
命長卿之詩蓋紀其實也一時傳誦謂陽關三疊河  
滿一聲無此淒楚

吳紹奇 一首

紹奇字叔甫桐城人有撫松集

秋晚山寺

手攜藤杖入林巒藥碗芝房次第看竹徑野煙迷鳥路寺門  
秋水狎魚竿芙蓉浥露花全放躑躅因風葉半殘箕踞一尊  
懷欲遣恐驚搖落不成權

吳鑽 一首

鑽字汝震鄞人

漫興

戶外澄溪漲綠池暖風約水動新荷竹根稚子千頭出昨夜  
前山雷雨過

張振藻

一首

振藻字去非松江華亭人

田按去華詩見張懋忠客乘

呈張帥聖標

山盡重關迥霜高萬草枯  
適當閑戰馬豈爲塞飛狐  
末路懷終切清秋病未蘇  
直憐歸隱計緩急古人無